

Z A P I S N I K

sa XVI sjednice Vijeća Građevinskog fakulteta Univerziteta u Sarajevu, održane dana 09.12.2019. godine, sa početkom u 14.00 sati, u sali 8 nastavne zgrade Fakulteta, ul. Patriotske lige br. 30.

PRISUTNI ČLANOVI:

Nastavnici:

Dolarević dr. Samir, Skejić dr. Adis, Simonović dr. Goran, Ilić-Georgijević dr. Emil, Imamović dr. Ismar, Topoljak dr. Jusuf, Vrce dr. Esad, Pozder dr. Mirza, Mulahusić dr. Admir, Mulić dr. Medžida, Čerimagić dr. Đenari, Šuvalija dr. Suvada, Balić dr. Anis, Ademović dr. Naida, Kurtović dr. Azra, Džebo dr. Suada, Ljevo dr. Žanesa, Hrasnica dr. Mustafa, Milašinović dr. Zoran, Medić dr. Senad, Albinović dr. Sanjin, Serdarević dr. Amra, Milišić dr. Hata, Omićević dr. Džanina.

Saradnici:

Nedim Kulo (G), Damir Hasanspahić (Mat.), Lazović Nerma (H), Džubur Alma (H), Mladen Kapor (Kat.za geol.), Medić Jelena (K), Krđžalić Dževad (G), Šarić Ammar (S).

Studenti: Izet Nanić

ODSUTNI ČLANOVI:

Nastavnici i saradnici: Ibrahimbegović dr. Adnan, Mešić dr. Esad, Tuno dr. Nedim, Hadžić dr. Emina, Suljević Samir (K),

Studenti: Nizama Drljačić i Damir Tahirović

Na prijedlog dekana usvojen je sljedeći prošireni:

DNEVNI RED:

- I Usvajanje Zapisnika sa XV sjednice Vijeća Građevinskog fakulteta, održane 12.11.2019. godine;
- II Sporazum o podjeli troškova kroz implementaciju projekta „Povećanje energijske efikasnosti u javnom sektoru u Bosni i Hercegovini“ između Razvojnog programa Ujedinjenih nacija (UNDP) u BiH i Građevinskog fakulteta i odobravanje sredstava za plaćanje pripadajućeg dijela troškova predmetnih radova;
- III Izvještaj Komisije za ocjenu uslova kandidata i podobnosti teme doktorske disertacije pod radnim naslovom „Otpornost armiranobetonskih okvira sa zidanom ispunom izloženih djelovanju potresa“, kandidata Ibrahima Bašića, dipl.inž.građ.;
- IV Izvještaj Komisije za pripremanje prijedloga za izbor u naučnonastavno zvanje vanredni profesor za naučnu oblast «Geodezija i geoinformatika», po konkursu objavljenom u dnevnim novinama „Oslobođenje“ dana 09.10.2019. godine i web stranici Građevinskog fakulteta i Univerziteta u Sarajevu dana 11.10.2019. godine;
- V Izvještaj Komisije za ocjenu radne verzije doktorske disertacije (projekta) pod nazivom „Primjena metode čestica sa ugladenim jezgrenim funkcijama u hidrotehnici“ kandidata Harisa Kalajdzisalihovića, dipl.inž.građ.;
- VI Recenzije Dr.sc. Mevlida Operta, dipl.inž.geol. i Dr.sc. Ferid Skopljak, dipl.inž.geol., za publikaciju radnog naslova «Primjenjena geologija u građevinarstvu», autora prof.dr. Đenarija Čerimagića, dipl.inž.geol.;
- VII Izvještaji Komisija za ocjenu i odbranu završnih radova;

- VIII Izvještaj Komisije o provođenju postupka ekvivalencije akademskih titula, odnosno naučnih i stručnih zvanja ranije stečenih na univerzitetima u BiH o ekvivalenciji stručnog zvanja ranije stečenog na Građevinskom fakultetu po zahtjevu Zorana Dmitruka;
- IX Prekid mandata studenta prodekana i Prijedlog Asocijacije studenata Građevinskog fakulteta za imenovanje studenta prodekana;
- X Razno.

Ad/I

Na Zapisnik sa XV sjednice Vijeća Građevinskog fakulteta, održane 12.11.2019. godine nije bilo primjedbi, te je isti jednoglasno usvojen.

Ad/II

Dekan navodi da je u toku postupak implementacija mjera energetske efikasnosti na objektu Arhitektonskog i Građevinskog fakulteta Univerziteta u Sarajevu, u okviru projekta Razvojnog programa Ujedinjenih nacija (UNDP) u BiH «Zeleni ekonomski razvoj – Povećanje energijske efikasnosti u javnom sektoru u Bosni i Hercegovini». Navodi da bi u skladu sa dogovorom Građevinski fakultet trebao obezbjediti učešće u finansiranju implementacije mjera energetske efikasnosti na objektu Arhitektonskog i Građevinskog fakulteta u iznosu od 50.000,00 KM. Veći dio tih sredstava Građevinski fakultet već ima obezbjeđena iz budžetskih sredstava na pozicijama investicije, a ostatak bi obezbjedili ili kroz druge pozicije budžetskih sredstava ili iz vlastitih sredstava. I pored zakonskih ovlaštenja, dekan je zatražio mišljenje Vijeća o projektu, kao i saglasnost za potpisivanje odgovarajućeg sporazuma sa Razvojnog programa Ujedinjenih nacija (UNDP) u BiH i isplatu navedenog iznosa učešća Građevinskog fakulteta.

Vijeće je donijelo odluku da daje saglasnost za potpisivanje Sporazuma između Građevinskog fakulteta i Razvojnog programa Ujedinjenih nacija (UNDP) u BiH o podjeli troškova za implementaciju projekta «Zeleni ekonomski razvoj – Povećanje energijske efikasnosti u javnom sektoru u Bosni i Hercegovini» kroz implementacije mjera energetske efikasnosti na objektu Građevinskog i Arhitektonskog fakulteta, te odobrilo isplatu iznosa od 50.000,00 KM (pedesethiljada KM) na ime učešća (kontribucije) Građevinskog fakulteta u sufinansiranju troškova implementacije mjera energetske efikasnosti na objektu Građevinskog i Arhitektonskog fakulteta.

Ad/III

Komisija za ocjenu uslova kandidata i podobnosti teme doktorske disertacije pod nazivom "Otpornost armiranobetonskih okvira sa zidanom ispunom izloženih djelovanju potresa", kandidata Ibrahima Bašića, dipl.inž.građ., dostavila je Izvještaj sa zaključkom da kandidat Ibrahim Bašić, dipl.inž.građ. ispunjava sve opšte uslove za sticanje naučnog stepena doktora nauka i da je predložena tema doktorske disertacije pod nazivom "Otpornost armiranobetonskih okvira sa zidanom ispunom izloženih djelovanju potresa", podobna za samostalno naučno istraživanje, te predlaže Vijeću da prihvati predloženu temu doktorske disertacije.

Nakon razmatranja navedenog Izvještaja Vijeće je donijelo Odluku da usvaja Izvještaj Komisije za ocjenu uslova kandidata i podobnosti teme doktorske disertacije pod nazivom "Otpornost armiranobetonskih okvira sa zidanom ispunom izloženih djelovanju potresa", kandidata Ibrahima Bašića, dipl.inž.građ. i utvrđuje da Ibrahim Bašić, dipl.inž.građ. ispunjava sve opšte uslove za sticanje naučnog stepena doktora nauka i da je predložena tema doktorske disertacije pod nazivom "Otpornost armiranobetonskih okvira sa zidanom ispunom izloženih djelovanju potresa", podobna za samostalno naučno istraživanje.

Odluka Vijeća će biti dostavljena Senatu Univerziteta u Sarajevu radi daljnjeg postupanja.

Ad/IV

Vijeće je razmatralo Izvještaj Komisije za pripremanje prijedloga za izbor u naučnonastavno zvanje vanredni profesor za naučnu oblast «Geodezija i geoinformatika», po konkursu objavljenom u dnevnim novinama "Oslobođenje" dana 09.10.2019. godine i web stranici Građevinskog fakulteta i Univerziteta u Sarajevu dana 11.10.2019. godine;

Komisija je konstatovala da se u utvrđenom roku, za naučnonastavno zvanje vanredni profesor prijavio jedan kandidat docent dr.sc. Nedim Tuno, dipl. inž. geod. (Potvrda stručne službe broj: 03-2-1851-1/19 od 30.10.2019. godine). Komisija za pripremanje prijedloga za izbor u naučnonastavno zvanje vanredni profesor za naučnu oblast «Geodezija i geoinformatika», u sastavu: Dr.sc. Admir Mulahusić, dipl.inž.geod., vanredni profesor

Građevinskog fakulteta Univerziteta u Sarajevu (naučna oblast „Geodezija i geoinformatika“), predsjednik Komisije, Dr.sc. Dušan Kogoj, dipl.inž.geod., vanredni profesor Fakulteta za građevinarstvo i geodeziju Univerziteta u Ljubljani (naučna oblast „Geodezija i geoinformatika“), član Komisije i Dr.sc. Tomaž Ambrožič, dipl.inž.geod., vanredni profesor Fakulteta za građevinarstvo i geodeziju Univerziteta u Ljubljani (naučna oblast „Geodezija i geoinformatika“), član Komisije, podnijela je pisani Izvještaj Vijeću Građevinskog fakulteta Univerziteta u Sarajevu. Komisija je, nakon uvida u priloženu dokumentaciju, dosadašnji naučni, stručni i pedagoški rad kandidata, u svom Izvještaju konstatovala da docent dr. sc. Nedim Tuno, dipl. inž. geod. ispunjava sve formalne i suštinske uvjete za izbor u naučnonastavno zvanje vanredni profesor, utvrđene Zakonom o visokom obrazovanju i Statutom Univerziteta u Sarajevu.

Nakon upoznavanja sa predmetnim Izvještajem Komisije i tajno provedenog glasanja, većinom glasova (33 glasa ZA i bez glasova PROTIV) od ukupnog broja članova Vijeća, Vijeće je donijelo odluku da usvaja Izvještaj Komisije za pripremanje prijedloga za izbor u naučnonastavno zvanje vanredni profesor za naučnu oblast «Geodezija i geoinformatika» i utvrđuje prijedlog za izbor docenta **dr. sc. Nedima Tune, dipl. inž. geod.** u naučnonastavno zvanje vanredni profesor za naučnu oblast «Geodezija i geoinformatika» na Građevinskom fakultetu Univerziteta u Sarajevu.

Odluka Vijeća će biti dostavljena Senatu Univerziteta u Sarajevu radi daljnjeg postupanja.

Ad/IV

Vijeće je upoznato sa Izvještajem Komisije za ocjenu radne verzije doktorske disertacije pod nazivom: „Primjena metode čestica sa uglađenim jezgrenim funkcijama u hidrotehnici“ kandidata Harisa Kalajdžisalihovića, dipl.inž.građ., zaveden pod brojem: zaveden pod brojem: 06-3-747-24/17 od 05.12.2019. godine.

Konstatovano je da je iz nadležne službe Univerziteta u Sarajevu dostavljen i Rezultat provjere doktorske disertacije primjenom softvera za detekciju potencijalnog plagijarizma, u kojem je navedeno da rezultat provjere iznosi 4%.

Nakon razmatranja istog Vijeće je donijelo odluku da prihvata Izvještaj Komisije za ocjenu radne verzije doktorske disertacije pod nazivom: „Primjena metode čestica sa uglađenim jezgrenim funkcijama u hidrotehnici“ kandidata Harisa Kalajdžisalihovića, dipl.inž.građ.

Vijeće je donijelo odluku da radnu verziju projekta doktorske disertacije pod nazivom: „Primjena metode čestica sa uglađenim jezgrenim funkcijama u hidrotehnici“ kandidata Harisa Kalajdžisalihovića, dipl.inž.građ. i Izvještaj Komisije za ocjenu radne verzije doktorske disertacije pod brojem: 06-3-747-24/17 od 05.12.2019. godine, stavi na uvid javnosti.

Ad/VI

Vijeće je donijelo odluku da se usvajaju izvještaji recenzenata:

- Dr.sc. Mevlida Operta, dipl.inž.geol., redovni profesor Prirodno-matematički fakultet Univerziteta u Sarajevu, broj 02-1-1701-4/19 od 06.12.2019. godine;
- Dr.sc. Ferid Skopljak, dipl.inž.geol., vanredni profesor Rudarsako-geološko-građevinskog fakulteta Univerziteta u Tuzli, broj 02-1-1701-3/19 od 06.12.2019. godine

za publikacije radnog naslova «Primjenjena geologija u građevinarstvu», autora Đenarija Čerimagića, dipl.inž.geol.

Imajući u vidu pozitivne ocjene recenzenata, Vijeće odobrava štampanje knjige «Primjenjena geologija u građevinarstvu», autora Đenarija Čerimagića, dipl.inž.geol.

Ad/VII

Usvojeni su izvještaji komisija za ocjenu i odbranu završnog rada na drugom (II) ciklusu studija za.

- studentice Odsjeka za konstrukcije Zerine Špago;
- studenta Odsjeka za konstrukcije Eldina Kalopera;
- studenta Odsjeka za konstrukcije Mahdija Karića.

Ad/VIII

Vijeće je razmatralo Izvještaj Komisije za provođenje postupka ekvivalencije akademskih titula, odnosno naučnih i stručnih zvanja ranije stečenih na Univerzitetima u Bosni i Hercegovini, a na zahtjev Zorana Dmitruka.

U Izvještaju se navodi da je Zoran Dmitruk, rođen 22.01.1953.godine u Bijeljini, država Bosna i Hercegovina, na Građevinskom fakultetu Univerziteta u Sarajevu završio je dana 03.12.1976. godine studij za sticanje visoke stručne spreme, odsjek za konstrukcije i dana 22.05.1978. godine izdata mu je diploma pod brojem: 1052/76 o stečenom stručnom nazivu „Diplomirani građevinski inženjer“.

S obzirom da je navedeni studij ekvivalentan završenom master studiju i vrijedi 300 ECTS bodova, te da stručni naziv „Diplomirani građevinski inženjer“ odgovara akademskoj tituli i stručnom zvanju: Magistar građevinarstva-diplomirani inženjer građevinarstva, smjer Konstrukcije, koje se stiče završetkom II ciklusa studija građevinarstva, Vijeće je donijelo odluku da se usvaja Izvještaj Komisije za provođenje postupka ekvivalencije akademskih titula, odnosno naučnih i stručnih zvanja ranije stečenih na Univerzitetima u Bosni i Hercegovini, na zahtjev Zorana Dmitruka i da se Zoranu Dmitruku izda uvjerenje o ekvivalenciji ranije stečene akademske titule, odnosno naučnog i stručnog zvanja na Građevinskom fakultetu Univerziteta u Sarajevu.

Ad/IX

Na prijedlog Asocijacije studenata Građevinskog fakulteta Vijeće je donijelo sljedeće odluke:

a) Studentici Nizami Drljačić na lični zahtjev prestaje funkcija studenta prodekana Građevinskog fakulteta Univerziteta u Sarajevu.

Student Izet Nanić se bira za studenta prodekana Građevinskog fakulteta Univerziteta u Sarajevu.

b) umjesto predstavnika studenata Građevinskog fakulteta kao člana Vijeća Građevinskog fakulteta:

1.) Nizame Drljačić

imenuje se:

1.) Adelisa Subašić

koja je zajedno sa studentima Izetom Nanićem i Damirom Tahirovićem, predstavnik studenata Građevinskog fakulteta kao član Vijeća Građevinskog fakulteta.

c) mjenja se član Disciplinske komisije za studente, tako da se umjesto člana komisije studenta Abdurrahmana Zein Elabdina za člana komisije imenuje studentica Amina Krivić.

Nakon izmjene člana komisije iz tačke I ove Oduke, Disciplinska komisija za studente je u sljedećem sastavu:

1. doc.dr. Suada Džebo, dipl.inž. građ.

2. doc. dr. Esad Vrce, dipl.inž. geod.

3. studentica Amina Krivić (II godina prvog ciklusa studija)

Prof. Mustafa Hrasnica navodi da ne bi bilo loše da Asocijacija studenata utvrdi kriterije po kojima se biraju student prodekan ili predstavnik studenata u Vijeću fakulteta.

Student Nanić ističe da njemu obavljanje ovih poslova oduzima puno vremena, ali da iste obavlja najbolje što može.

Dekan navodi da zahtjevi studenata nisu nerealni, da fakultet nastoji da ih u što većoj mjeri, u skladu sa svojim mogućnostima, ispuni, te da je do sada i kao prodekan i kao dekan zadovoljan sa suradnjom sa Asocijacijom studenata,

Ističe da su mu vrlo značajna mišljenja dobrih studenata, jer ukoliko dobri studenti imaju primjedbe na bilo šta sa čime se susreću u toku studiranja, fakultet se mora potruditi da nešto po tom pitaju uradi i promjeni.


Ad/X

Doc.dr. Žaneta Ljevo je u ime Odbora za osiguranje kvaliteta obavijestila Vijeće da će ponovo (od 12-14 sedmice) biti proveden postupak evaluacije rada nastavnika i saradnika. Postupak će se provesti po utvrđenom metodi i o rezultatima će Vijeće biti obaviješteno.

Sjednica završena u 14.50 sati.

Zapisnik vodila:

Sabina Bajrić, dipl. pravnik



DEKAN

Prof.dr. Samir Džarević, dipl.inž.građ.



Br. 02-1-2146-1/19.
09. 12. 2019.